

समावेशीकरणको दिशामा एउटा फड्को : गोरखापत्रद्वारा प्रकाशित थारु भाषा पृष्ठ



जितिया पावैनके कथा या किंवदन्ती



भुलाड चौधरी, थारु संस्कृतिविद्

जितिया पावैन बियाह भेल थारु महिला सब के बहौत भाडी पावैन चियै। कहबी छै: ‘जितिया पावैन बड भारी। जितिया पावैन के प्रमुख विशेषता छै जे ब्रतालु महिला निर्जला निराहर उपास मे बैठे और जितिया कथा अनिवार्यरुप मे श्रवण करे। एकटा बुभल बात छै जे कौनो भी पूजा मे कथा पक्ष अनिवार्य रहैछे चाहे सत्यनरायण भगवान के पूजा हेवे या सन्तोषी माई के। बिना कथा पूजा पूर्ण नै मानल जाइछै।

संक्षेप मे थारु भाषा मे जितिया कथा (थारु पौराणिक अवधारना अनुसार)

जितिया कथा के दुई भाग हेछै:- भाग १: जितिया ब्रत के उत्पत्ति इतिहास कथा या

भाग २:- जितिया ब्रत के महत्व (चिलहौरनी या स्यारनी के कथा)

येबकी बेर जितिया कथा के भाग १ परहु वा श्रवण कर।

भाग १:- जितिया ब्रत के उत्पत्ति इतिहास कथा प्राचीन समय मे भारतीय उत्तरी उपप्रयद्वीप मे सालिवाहन नाम के राजा रहे। ऊ बहौत वीर, पराक्रमी, प्रजावत्सल या धर्मात्मा राजा रहे। रानी के नाम सहाय रहे। राजा के मसवासी नाम के एकटा बेटी रहे। कहे छै जेहन बाप तेहन बेटी। मसवासी वोहो बापे नहाईत धर्मात्मा रहे। ऊ बहौत सुन्दरी तथा दलारी रहे। समय चक्र अनुसार मसवासी जवान हेवे लाग्ले। मसवासी के बियाह जोग देखके राजा के बेटी के बियाह कराबै के चिन्ता हेवे लाग्ले। राज दरबार मे मसवासीले राजकुमार खोजै के बातचीत हेवे लाग्ले। यी बात जब मसवासी के मात्तु भेलै त मसवासी महताईर (रानी) लग गेलै आ कहलके मैया हमर ले राजकुमार नै खोजै। हम बियाह नै कराबै। बरु राजदरबार से बाहर हमरा एकटा कुट्टी बनादे। हम वहे कुट्टी मे रहनै या भगवान के भजन-भाव करैत रहबै।

मसवासी के बात सुईनके रानी आश्चर्यचकित भ्यागेले। रानी बेटी के बहौत सम्केलके कि काथिले नै बियाह कराबिही? बियाह तोरेटा मे की सब के हेछै। यी कौनो खराब बात चियै। यी सप्सर के एकटा रीत चियै। तोहै यी जित्द नै करै। मगर मसवासी आपन बात मे अडुलत रहेगेलै। तब राजा राजदरबार से बाहर मसवासी के ईच्छे अनुसार एकटा कुट्टी बनाय देलके या तब से राजकुमारी वहे कुट्टी मे रहलानी। ऊ नित दिन भिनसरे उठै या सुत्त उठै से पहिने लह्याके कुट्टी मे चेल आवै या भगवान के भक्ति मे लाईगज्या।

एक दिन के बात चियै। मसवासी के उठै मे कनिहक देर भ्यागेले। मसवासी हवर-हवर लदी मे गेलै, लहेलके आ लह्याके घुमलै। मगर तौतिके मे सूर्य उदय भ्यागेलै। सूर्य के प्रकाश से मसवासी के पुरा शरीर प्रकाशित भ्यागेलै जे कारण मसवासी गर्भवती भ्यागेलै। मसवासी कुट्टी मे येले या नित दिन नहाईत भगवान के भक्ति मे लाईग गेलै।

दिने-दिन मसवासी के देह मे परिवर्तन हेवे लाग्ले। चाईर-पाँच महिना मे एक कान, दुई कान मैदान, सब के मात्तु भ्यागेलै कि मसवासी गर्भवती छै। राजा के यी बात सुईनके बहौत दुःख लाग्ले। राजा मने-मन सोचै कि जकरे डर रहे आखिर स्याह भ्याल। राजा रिस से मसवासी के बहौत गाली-ब्यजती केलके, मगर तैयो गाईर व्यजती सहैत मसवासी दशम महिना मे एकटा विल्क्षण प्रतिभा के बच्चा के जलम देलके। कुछेक समय मे बच्चा बेढक के देरवा भेलै या कुट्टी के वाहर अन्य छोरा सब के संगे खेलाइलै ज्या लाग्लै।

मसवासी के वेटा सब चीज मे दोसर साथी सब से तेज रहै। ऊ नै खेल मे, न परहे मे, कौनो चीज मे आपन साथी सब के नै जिते दै। संस्कृतिविद् भुलाई चौधरीके अनुसार खर जितियामे मात्रे लबका बियाह भ्याल थारु जितियाके सुरवात करेले पाबैछै। ‘थारु समुदायमे महिलासबके बरका पावैन चिये जितिया। महिलासब आपन सन्तान या



वोहो महताईर के नाम ल्याके खेल के घर मे दुकलै, मगर बाप के नाम त थाह नै रहे जे कहते, तहै से नियम अनुसार ऊ घर मे दुकले रहे गेलै। साथी सब जितुवा के कोई खेल घर से बहराबैले कहे त कोई जिस्काबै कि बाप नै छै? कि तोहै अनेवाँ चिही? या हाँसे। यहँ मे से जितुवा के एकटा हितैसी साथी दीइरके मसवासी के कहलै कुट्टी मे गेलै या सब बात कहलके। मसवासी के यी बात सुईनके बहौत दुःख लाग्ले। मसवासी दीइरके खेल घर येले या जितुवा के बाप के नाम सूर्य कहलै कहलके या तब जितुवा बाप के नाम सूर्य कहलके या खेल घर से बाहर भेलै। जितुवा त खेल घर से बाहर भेलै मगर कौनो साथी के बिगवास नै हेछेलै जे जितुवा सूर्य के वेटा चियै। यने जितुवा के सेहो बिगवास नै हेछेलै। उ राईत भैर नै सुतले। तै दुवारै ये बात के परते लगावैले जितुवा महताईर के कहलके, “मैया हमरा सिधा-सामल ओरया दे, हम बाप के उदेश मे जेबै।” जितुवा के महताईर कहलके: “बीवा तोरा यी बात के कहलके। तोहै नै ज्या सकविही, जैरके भसम भ्याजबिही। नै जो।” मगर जितुवा जब आपन हठ नै छोर्लके त महताईर कुछ सिधा सामल या रुपैयाँ पैसा ओर्या देलके और जितुवा आपन सिधा-सामल ल्याके बाप के उदेश मे चललै। जितुवा एक दिन चलल, हप्ता दिन चलल, महिनो दिन चलल आ चलेन-चलेन जब नाको टम भ्यागेलै तब सूर्य भगवान सोचलक जे यी आपन हठ नै छोर्तै। तब सुरुज एकटा मनुस्य के भेष मे जितुवा के आगु मे टारह भेलै आ पुछ लाग्ले के चरक बीवा? कते जाई चरक। तब जितुवा कहलके जे हमर नाम जितुवा चियै। हम सूर्य के वेटा चियै। हम बाप से भेटेले ज्यारहल चियै। यी ब्रत सुईनके ऊ आदमी कहलके, बीवा घुम, घर जा। आई तब जते कोईयो नै ज्यासकलके वत तोहै केनके जेबही? जैरके भसम भ्या जेबही। येहन जित्द नै करै। मगर जितुवा केहेते रहलै कि हमर बात छोड, हम जेबे करबै। तब ऊ लोग कहलके, बीवा हमही सूर्य चियै। तोरे दर्शन देले येलाचियो। ल्या आब लीट। घर जा। तब जितुवा कहलके जे बड नीक हम घर घुईम जेबै। सब के कहबै जे हम आपन बाप सूर्य से भेटके येलिये, त के पतिथैते? नै त तोहै हमर संगे चल। नै त हम नै घुमबै, हम जेबे करबै। तब अन्त मे सूर्य कहलके ले त हम तोरा वर दैचियो, तोहै घुम घर जा। आब से तोहर नाम जितमहान भेलै। आब पक्ष से जे बिबाहित जनीजाईत सब आसिन अन्हौरिया के जितमहान के गौड लागलक या धै साल ले जितिया ब्रत सम्पन्न केलक, लदी पाँखैर मे लह्या के आगन मे चौका कयाके जितमहान के पूजा कयाके भगवान के अर्थ दैत गौड लागलक या अन्त मे पाँचटा बौटरा या पाँचटा अरवा चौर बिना चिब्यसके घोटलक। जितमहान के गौड लागलक या धै साल ले जितिया ब्रत सम्पन्न केलक। जितिया ब्रत के फलफलाफल से सब कोई परिचित भेलै और यै किसिम से यी जितिया ब्रत पूरे देश बिदेश मे प्रचलित भ्यागेलै।

आब से तोहर नाम जितमहान भेलौ। आब से जे बिबाहित जनीजाईत सब आसिन अन्हौरिया पक्ष सैन दिन सतमी तिथि मे लह्याके खैते, रैब दिन अठमी तिथि मे निर। हर उपास रहतै आ नम्मी तिथि सो म दिन पारन करैत नियम निष्ठापूर्वक यी तोहर ब्रत लेतै अर्थात् तोहर नामे जितिया ब्रत सम्पन्न करतै। वोकर बाल-बच्चा दीर्घायु हैतै, स्वस्थ हैतै, वीर तथा पराक्रमी हैतै तथा वोकर सब दिन उत्तरोत्तर प्राणति हैतै।

वोकर बाल-बच्चा दीर्घायु हैतै, स्वस्थ हैतै, वीर तथा पराक्रमी हैतै तथा वोकर सब दिन उत्तरोत्तर प्राणति हैतै। तब जितुवा ब्रत करैके बिधि बारे मे सब बात बुझल लेलके और सत करया लेलके या हँसी खुगी आपन घर दिसन रवाना भेलै और सूर्यदेव वोहो वहेठो विलिन भ्यागेलै।

जितुवा बडी-हँसी खुगी घर येले। आपन महताईर के गौड लागलक या यी सब बात महताईर के सबिस्तर मे सुनैलके। तब महताईर वोहो बहौत खुशी भेलै आ आपन वेटा मे गर्व भेलै। यी बात राजा सालिवाहन सुईनके वोहो बहौत खुशी भेलै।

कुछ दिन के बाद मे जितिया पर्व के समयो आईव गेलै। राजा पुरा नगर मे यी जितिया ब्रत करैले डोलाहा पिट्या देलक। वै नगर के बिबाहित जनीजाईत सब आसिन सतमी तिथि सैन दिन आ-आपन डाला-डाली साजलक और लदी/ पाँखैर के लह्याके जितमहान बाबा के नियमपूर्वक पूजा कयाके तब पूजा केलके, दोसर दिन फन लदी मे लेह्या सोन्याके डाला-डाली मे पूजन सामग्री के राईखके जितिया कथा सुलक या जितमहान के पूजा के केलक, तेहन तेसर दिन अर्थात् नमी तिथि मे सब घर आगन केलक, लदी पाँखैर मे लह्या के आगन मे चौका कयाके जितमहान के पूजा कयाके भगवान के अर्थ दैत गौड लागलक या अन्त मे पाँचटा बौटरा या पाँचटा अरवा चौर बिना चिब्यसके घोटलक। जितमहान के गौड लागलक या धै साल ले जितिया ब्रत सम्पन्न केलक। जितिया ब्रत के फलफलाफल से सब कोई परिचित भेलै और यै किसिम से यी जितिया ब्रत पूरे देश बिदेश मे प्रचलित भ्यागेलै।

भाग २ : जितिया ब्रत के महत्व (चिलहौरनी या स्यारनी के कथा)

एक समय के बात चियै। जितिया पावैन के समय येले। कनकावती नगर के बियाहित जनीजाईत सब सतमी तिथि मे आश्रयक पूजन सामग्री से आ-आपन डाला- डाली साजलक या जितिया ब्रत लैले नर्मदा लदी के सतवा घाट मे जम्मा भेलै और स्नान, पुजापाठ करेलाग्ले।

यहै लदी के घाटे मे एकटा पाकरे के बडका गाछ रहै। वै गाछ पर उपर चिलहौरनी खोता मे रहै छलै त गाछ के धोईध मे सियारनी रहै छलै। दुनु चिलहौरनी या सियारनी बहौत दिन से एक गाछी मे रहैके करण दुनु मे खीब मित्रता रहै। जब घाट मे यी दृष्य सियारनी देखलके त चिलहौरनी से पुछै छै से हे सखी आई कौन बात छै जे पुरे नगर के लोग डालाडाली तथा लवका-लवका कपडा ल्याके लदी घाट मे थाहाथैह करैछै। पहने त येहन नै देखनै रहिये। तब चिलहौरनी कहे छै से हे सखी, अखनी सूर्य बंश मे जितमहान के उदय भेलै। नियम निष्ठापूर्वक वोकर ब्रत करने वोकर बाल-बच्चा दीर्घजीवी हैतै, स्वस्थ हैतै, सब काम मे सफल हैतै, वोकर उत्तरोत्तर प्राणति हैतै। अखनी वोकरे ब्रत लैले बियाहित जनीजाईत सब घाट मे जम्मा भेल्ले। सियारनी यी बात सुईनके बहौत खुशी भेलै या प्रस्ताव केलके ‘जे हे सखी, जब येहनै महत्त्वपूर्ण ब्रत चिये तब आपनीरके सेहो यी ब्रत लेवे त नै हैतै।’ चिलहौरनी स्वतः प्रस्ताव स्वीकार कयालेलके। लोग सब पूजा कयाके घाट से घर गेलाके बाद चिलहौरनी या सियारनी वोहो दुनु जन घाट मे येले और लदी मे लहेलके, वेठो बचल-खुलक पुजन सामग्री से हँसी-खुगी पूजा कयाके जितिया ब्रत शुरु केलके। तकरे बिधान के अठमी तिथि मे फन नगरक जनीजाईत सब आपन डाला-डाली साजलक और लदी घाट मे येले। लदी मे सब गोरे लहेलके आ-आपन सामग्री साथ निराहर वहे पाकरे गाछ तर मे नीप पोईतके पूजा या कथा सुनैले वेठ गेलै। चिलहौरनी या सियारनी सेहो लदी मे लहेलके आ कथा सुने लाग्ले। एवम किसिम से सब गोरे कथा सुनलके, पूजा केलके आ अन्त मे सब गोरे आ-आपन घर गेले। राईत भेलै, चिलहौरनी और सियारनी वोहो सब आ-आपन ठाम मे सुतलै। मगर, वहे राईत मे वहे नगर मे एकटा साहकार के वेटा मैर गेलै। साहकार राईत मे मृत वेटा के वहे घाट मे ल्याके येले और आइग लगयाके वहे जगह मे गाईरके घर चैल गेलै। यी घटना चिलहौरनी और सियारनी देखत रहे। जतेक-जतेक राईत हैत जाई भुख सब पवैन करनी के हेरान करै। सियारनी लगे मे साहकार के बच्चा के गारल देखके, वोकर ज्वा

से हर-हर पाईन स्वसे। एक त भुख दोसर मे लगे मे सिकार, सैहजे नै मन ब्याकुल हैते। फन चिलहौरनी से उठो हेबै, जे चिलहौरनी नै देखले। सियारनी फन-फन चिलहौरनी से पुछै जे हे सखी सुतल चहक कि जागल? चिलहौरनी एक दाईब, दुईदाईब जबाब देलके जे जागले चियै। जब फन तेसर दाईब पुछलके त चिलहौरनी के शंका बेह गेलै जे कि बात चियै जे फन-फन पुछिये जे सुतल कि जागल। येबकी बेर चिलहौरनी सुतल के बहाना कया देलके। ऊ कुछे नै जबाब देलके त सियारनी अनुमान केलके जे चिलहौरनी सुईत गेलै। आब त कोई नै देखत सोचेत साहकार के वेटा के मौस खार्डले घाट चरत चैल देलके। एक त भुखल दोसर मे मौस, खीब अघ्या-अघ्या के खेलके और कुछ मौस लेनी धोपर मे येले। सियारनी शंका हटावैले फन चिलहौरनी से पुछलके जे हे सखी सुतल कि जागल। तब चिलहौरनी कनिहक देर से जबाब देलके जे आब जगलिये। सियारनी के शंका दूर भ्यागेलै जे हमर चालाकी चिलहौरनी देखलक। तब सियारनी फन पुछै छै जे हे सखी वड धुईया-ढंकार हैये। तब चिलहौरनी कहे छै जे हे सखी भुखल मे येहन हेछै। आब बिधान हैते तब पारन करबै और खेबै। सब ठिक भ्याजते।

बिधान भेलै। नगर के जनीजाईत सब फन आ-आपन डाला-डाली साजलक और पारन करैले सब गोरे लदी के घाट मे येले। सब गोरे स्नान केलके, पूजा करैले चौका केलके, पूजा केलके, जितमहान बाबा के अर्थ देलके गौड लागलके और पाँचटा बौटरा या पाँचटा अछलत बिना चिब्याके घोटके के ब्रत पूरा केलके। सब गोरे परसादी खेलके या आ-आपन घर ज्यके खुहत स्नान-पान तथा साथी सब से भेटघाट मे लाईग गेलै।

चिलहौरनी आ सियारनी वोहो सब घाट मे ज्याके स्नान केलके, वेठो बचल-खुलक पूजा सामग्री से पूजा केलके, भगवान के अर्थ देलके, गौड लागलके या पाँचटा बौटरा या पाँचटा अछलत बिना चिब्याके के घोटके या परसादी ख्याके जितिया ब्रत पूरा केलके। मगर एकटा प्रन हरदम चिलहौरनी के रैहरहे के हरान करै कि सियारनी के ब्रत त भ्रष्ट भ्यागेलै। ये चीज के परते केन के लगवै? तहै से चिलहौरनी प्रयाग तिथि जाईके प्रस्ताव करलके। सियारनी प्रस्ताव सहस्र स्वीकार कयाके दुनु गोरे तीर्थ करैले प्रयाग गेलै। प्रयाग मे खीब घुम-घाम केलके। सब देवी देवता के दर्शन केलके, घाट मे लहेलके और अन्त मे संयोग बस दुनु जन वहे ठाम प्राण त्यागलके। तीर्थ के प्रताप दुनु जन मनुस्य तन मे नबदा लदी के दक्षिणी किनार मे अवस्थित कनकावती नगर मे एकटा महापण्डित महापाध्याय के घर मे जेमा बेटी के रूप मे जलम लेलके। चिलहौरनी भेले जत बेटी जकर

नाम भेलै शिलावती (सोमता) और सियारनी भेलै छोट बेटी जकर नाम भेलै कर्पूरावती (बेमता)। दुनु के जीवन खुशीपूर्वक बितैत दुनु गोरे जवान भेलै। पण्डित जी शिलावती के वहे नगर के महथा (मन्त्री) के वेटा से बियाह कयादेलके और कर्पूरावती के बियाह वहे नगर के राजा मलयकेतु से कयादेलके। दुनु बहैन आ-आपन सोसरा मे खुशीपूर्वक जीवन बिताबे लाग्लै। शिलावती के सातटा वेटा भेलै और सातो वेटा स्वस्थ, हष्टपुष्ट तथा वीर रहे। वने कर्पूरावती के सेहो सातटा वेटा भेलै या सातो वेटा मैर-मैर गेलै। तहै से कर्पूरावती रानी त रानी रहे मगर बाल-बच्चा नै रहने से बहौत दुःखी रहै।

जितिया के समय येले। येबकी बेर रानी कर्पूरावती जितिया पावैन आपन जेठकी बहैन शिलावती संगे करैके योजना बनैलके मगर शिलावती कर्पूरावती जरे ब्रत लैले नै तैयार भेलै। यी बात सुईनके रानी कर्पूरावती के बहौत तामस उद्लै। उ बदला लैले आपन घर मे खटपरन छापलके। जब राजा येले त दासी से पता लाग्लै जे रानी खटपरन देने छै। राजा रानीलग गेलै या कारण पुछलके त रानी पहिने सत करैलके या जब राजा सत कया देलके तब रानी कहलके जे काईल पारण दिना हमर जेठकी बहैन शिलावती के सातोटा वेटा के मुरी काईटके लाईब दे नै त हम आपन प्राण त्याग देबौ। राजा मने-मन कहे छै पापीनी तो यहेते सत करैला। राजा सत केने रहे तहै से आपन सेना पद्याके शीलावती के वेटा सिकार के समय मे जंगल मे सातोटा वेटा के शीर काईटके कर्पूरावती के लाईब देलके। तब कर्पूरावती नीक से देखलके कि यी कही दोसर आदमी के मुरी त नै चियै। जब वोकरा ठीक लाग्लै तब कर्पूरावती सातोटा मुरी के साफ कयाके, लवका हर्दियान कपडा मे बाईन्के सातटा लवका डाला मे राईखके शीलावती के घर मे पद्या देलके जैसे वोहो जब आपन वेटा सब के मुरी देख्लै तब वोकर घर मे कन्नी-खिजनी शुरु हैते या हमरा मन खुशी ट्यात।

मगर शीलावती पूर्व जनम मे नियम-निष्ठापूर्वक जितिया ब्रत करने रहै जेके प्रताप शीलावती के सब वेटा सकुशल रहलै या डाला मे पद्याल मुरी सब सातटा नरियर के फल भ्यागेलै। शीलावती बहौत खुस भेलै या वेटा सब के कहरलके जे रानी मौसी पारण करैले सातटा नरियर फल पद्या देने छै। वने कर्पूरावती दिदी के घर मे कन्नी-खजनी बुकेलै जब आपन आदमी के पठेलेके त पता लाग्लै जे वोकर घर मे वडी हँसी-खुवी के माहौल छै। वोकर सुने वेटा सब जिवते छै। जब रानी कं यी बात सुने नै येले त घर मे ऊ फन बवाल मच्चा देलके। राजा से कहे लाग्ले तोहै हमरा उगलिही। मोरल लोग केनके जित हैतै। तब राजा कहलके जे तखनी लेनी धोपर मे येले। सियारनी शंका हटावैले फन चिलहौरनी से पुछलके जे हे सखी सुतल कि जागल। तब चिलहौरनी कनिहक देर से जबाब देलके जे आब जगलिये। सियारनी के शंका दूर भ्यागेलै जे हमर चालाकी चिलहौरनी देखलक। तब सियारनी फन पुछै छै जे हे सखी वड धुईया-ढंकार हैये। तब चिलहौरनी कहे छै जे हे सखी भुखल मे येहन हेछै। आब बिधान हैते तब पारन करबै और खेबै। सब ठिक भ्याजते।

बिधान भेलै। नगर के जनीजाईत सब फन आ-आपन डाला-डाली साजलक और पारन करैले सब गोरे लदी के घाट मे येले। सब गोरे स्नान केलके, पूजा करैले चौका केलके, पूजा केलके, जितमहान बाबा के अर्थ देलके गौड लागलके और पाँचटा बौटरा या पाँचटा अछलत बिना चिब्याके घोटके के ब्रत पूरा केलके। सब गोरे परसादी खेलके या आ-आपन घर ज्यके खुहत स्नान-पान तथा साथी सब से भेटघाट मे लाईग गेलै।

चिलहौरनी आ सियारनी वोहो सब घाट मे ज्याके स्नान केलके, वेठो बचल-खुलक पूजा सामग्री से पूजा केलके, भगवान के अर्थ देलके, गौड लागलके या पाँचटा बौटरा या पाँचटा अछलत बिना चिब्याके के घोटके या परसादी ख्याके जितिया ब्रत पूरा केलके। मगर एकटा प्रन हरदम चिलहौरनी के रैहरहे के हरान करै कि सियारनी के ब्रत त भ्रष्ट भ्यागेलै। ये चीज के परते केन के लगवै? तहै से चिलहौरनी प्रयाग तिथि जाईके प्रस्ताव करलके। सियारनी प्रस्ताव सहस्र स्वीकार कयाके दुनु गोरे तीर्थ करैले प्रयाग गेलै। प्रयाग मे खीब घुम-घाम केलके। सब देवी देवता के दर्शन केलके, घाट मे लहेलके और अन्त मे संयोग बस दुनु जन वहे ठाम प्राण त्यागलके। तीर्थ के प्रताप दुनु जन मनुस्य तन मे नबदा लदी के दक्षिणी किनार मे अवस्थित कनकावती नगर मे एकटा महापण्डित महापाध्याय के घर मे जेमा बेटी के रूप मे जलम लेलके। चिलहौरनी भेले जत बेटी जकर

काठमाडौंके तीन ठाममे जितिया महोत्सव

काठमाडौं। नराईके आदिवासी थारु समुदायके महिलासब ४ वछरके बाद यीटामैर फेनसे खर जितिया (शुद्ध जितिया) मनाइछै। काठमाडौं उपत्यकामे बसोबास करैबला थारु महिलासब येसाल तीन ठाममे जितिया महोत्सवके कार्यक्रम राखनेछै।

थारु महिला समाज काठमाडौंके भूकुटीमण्डपके पर्यटन बोर्डमे, थारु महिला समाज काठमाडौं उपत्यका समिति राष्ट्रिय नाँचघर जमलमे या थारु कला तथा विकास मञ्च ललितपुरके कुण्डोलमे एके दिन जितिया महोत्सवके कार्यक्रम राखनेछै।

आपन सन्तानके दीर्घायु, सुखसमृद्धि या मनोकामना पूर्ण हेवे केहके थारु महिलासब यी जितियाके ब्रत लेनेछै। यीटा दाइब लवका पवैनकर ‘सब पहे-न्काचौटी जितिया उठाइनेछै। संस्कृतिविद् भुलाई चौधरीके अनुसार खर जितियामे मात्रे लबका बियाह भ्याल थारु जितियाके सुरवात करेले पाबैछै। ‘थारु समुदायमे महिलासबके बरका पावैन चिये जितिया। महिलासब आपन सन्तान या



घरबलाके दीर्घायु, सुखसमृद्धि या स्वास्थ्यके कामना करेले भुख सैहछै। थारु समुदायमे जैहिया लोक कोना दुर्घटना संजोगवा बैचजाइछे ताव केहछै, ‘ तोहर महताइर खर दिन जितिया पाथने गैहौ। ताव तोहै वाचलिही। खासकरके पुरुबमे भ्लासे पछिममे

नवलपरासी जिल्लामे धुमधामसे जितिया पावैन मनाइछै। भापा, मोरङ, सुनसरी, उदयपुर, सप्तरी, सिरहा, महाोर, सर्लाही, रौतहट, बारा, पर्सा, चितवन या नवलपरासीके महिलासब आपन आपन जिल्लामे जितियाके कार्यक्रम राखनेछै। खास करके चितवन या

नवलपुरके थारु महिलासब जितियामे भफ्टा नाँच गान करैछै। काठमाडौंमे थारु महिलासब वि.सं. २०६२ सालसे जितिया मनाइत येल्छै। थारु महिला समाजके अध्यक्ष गीता चौधरी केहछै, ‘थारु महिलासब विगत १५ वछरसे काठमाडौंमे सब वछरसे जितिया पावैनके राष्ट्रिय महोत्सवके रुपमे मनाइत येल्चिये। यीटा वछर पर्यटन बोर्डके हलमे जितिया महोत्सव कार्यक्रम राखनेचिये।’ जितिया पावैनके पहिनेका दिन लाई/लाहाइ अर्थात् लेहाके खाइबला दिन (शन दिन) वर्तालु महिलासब लगपासके कुपा, पोखैरमे ल्याहाके घेराके पतामे पिना खैर, माइट लगाइछे। पावैनके दोसर दिन रेव दिना महिलासब निराहार भुख सैहछै। वै दिन महिलासब गामके कानो एक ठाममे जम्मा भ्याके भगवान जितवानके कथा सुनैछै। जितियाके अन्तम या पारन (समापन)के दिन भुख सहल महिलासब फेनो लदी, पाँखैर या कुपामे ल्याहाके पवित्र ठाममे दही चुरा, चिनी, बौटरा चर्ह्याके जितिया पावैन समापन करैछे।

जीतिया, जीतना बहैनके!

नवलल चौधरी
जितिया पावैन उंच नीच, गरीब धनीक, कारी गोर। टोल परीसमे सैब मनावे, कोन बजिया कोन थर। पावैन त जीतना बहैनके, मगर गरिवके कथा बेथा। आभाससे भारल जीवनमे, डिहो डाबरने जाय जेथा। जीतना छै केहेन लापरबाह, बहैनके आइनके जीतियामे। भोइर भोइर दिन तास खेले, पैसा हारे जुवा चाँखियामे। और सब खौके वोटघन रखा,

तरुवा भुजवा माछ आ वोल। वोकर भोइके फुटल चुइह म, भादोके भीजल छोर आ वोल। जितिया पावैन वोहो करतै, चाहे पहिहके फाटल पुरान। संस्कारसे त वोहो बान्हलछे वोकरा राखके छै घरके मान। भुखलेमे भुख आइ सहतै उ, समयसे सम्भोता करै करके। दुर्भागके माइर त सहै परतै, जीती रहैत आइ भैर मेरके। निर्धन धनीकके केहेन संसार, पावैनेमे खोजेपर अधिकार। फँसला नीकसे तूही करीयह, अँठना केकर जीत आ हार। जीतना छै केहेन लापरबाह, बहैनके आइनके जीतियामे। भोइर भोइर दिन तास खेले, पैसा हारे जुवा चाँखियामे। और सब खौके वोटघन रखा, (पेटेना बहैनके हेबै यगगान। *(जितीया, कपरी, हाल : टिकाथली, काठमाडौं)*